

## **Коронавирусын эсрэг вакциныг хэрэглэх заавар**

### **Коронавирусын эсрэг вакцины тухай**

Энэхүү вакцин нь үндэсний болон орон нутгийн засаг захиргааны коронавирусын (SARS-CoV-2) эсрэг вакцинжуулалтын хөтөлбөрийн нэг хэсэг юм. Энэхүү вакцинжуулалтыг Засгийн газраас санхүүжүүлж байгаа бөгөөд хүссэн хүн бүр үнэ төлбөргүй хамрагдах боломжтой. Уг вакцин нь 18 ба түүнээс дээш насны хүмүүст зориулагдсан.

### **Вакцины үр нөлөө, ашиглах арга**

Энэхүү вакцин нь Новавакс компаниас үйлдвэрлэлийн технологийг шилжүүлж авсан Takeda компанийн вакцин юм. Коронавирусын халдварт өвчнөөс урьдчилан сэргийлнэ.

Вакцинжуулалтад хамрагдсан хүмүүсийг хамрагдаагүй хүнтэй харьцуулахад маш бага тоогоор коронавирусын халдварт өвчин тусч байгааг баталсан. (Омикрон омгийн дэгдэлтээс өмнөх өгөгдөл байсан боловч эмнэлгийн туршилтаар ойролцоогоор 90.4% өвчнөөс урьдчилан сэргийлэх үр дүнтэй болох нь батлагдсан. Мөн омикроны омгийн талаарх мэдлэг хязгаарлагдмал боловч, вакцин хийлгэснээр саармагжуулах эсрэг биет нэмэгдсэн гэсэн мэдээлэл бий.)

Худалдааны нэр	Булчинд тарих Nuvaxovid®
Үр нөлөө	SARS-CoV-2-ээс үүдэлтэй халдварт өвчнөөс урьдчилан сэргийлэх
Вакцинжуулалтын давтамж ба хоорондын зай	2 удаа (ихэвчлэн 3 долоо хоногийн зайтай) * Булчинд тарих
Вакцинжуулалтын хамрах хүрээ	18 ба түүнээс дээш насны хүн
Тарилгын тоо, тун	Нэг тун 0.5 мл; нийт 2 удаа

- Эхний вакцины тунг тарьснаас хойш 3 долоо хоногийн дараа хоёр дахь тунг тарина. (Эхний тунг тарьснаас хойш 3 долоо хоногоос хэтэрвэл хоёр дахь тунгаа аль болох хурдан тариулна уу.)
- Хэрэв та тус вакцины эхний тунг хийлгэсэн бол тус вакцины хоёр дахь тунг үндсэндээ хийлгэх учиртай.
- Тус вакцины хоёр дахь тунг хийснээс хойш ойролцоогоор 7 хоногийн дараа хангалттай дархлаа тогтоно гэж үзэж байгаа. Мөн шинж тэмдэг илрэх гэх мэтээс бүрэн хамгаална гэсэн үг биш юм. Вакцинд хамрагдсан эсэхээс үл хамааран халдвараас урьдчилан сэргийлэх арга хэмжээг үргэлжлүүлэн хийх ёстой.

### **Вакцинжуулалтад хамрагдах боломжгүй хүн**

Энэ вакциныг доорхи хүмүүст хийх боломжгүй. Вакцин хийлгэхээс өмнөх үзлэгийн үед доорхи нөхцлүүд танд хамаатай гэж бодож байвал эмчид заавал мэдэгдэнэ үү.

- Илт халуурах шинж тэмдэгтэй хүн (\*1)
- Хүнд цочмог өвчтэй хүн
- Энэ вакцины аль нэгэн найрлагад хэт их мэдрэг (\*2) өвчний түүхтэй хүн
- Дээрхээс гадна вакцин хийлгэхэд биеийн байдал тохиромжгүй хүн

(\*1) 37.5°C ба түүнээс дээш халуурч байвал илт халуурах шинж тэмдэгтэй гэж тодорхойлно. Гэвч, 37.5°C -ээс бага байсан ч энгийн үеийн биеийн халуунаас их байвал халуурч байна гэж үзнэ.

(\*2) Анафилаксийн шок болон бүх биеийг хамарсан арьс, салстан бүрхэвчээр туурах, амьсгаадах, амьсгал давчдах, зүрхний хэм алдагдах, цусны даралт буурах зэрэг харшлын шинж тэмдэг орно.

### **Вакцин хийлгэхдээ анхаарах хэрэгтэй хүн**

Дараах шинж тэмдэг илэрдэг хүмүүс энэ вакциныг хийлгэхдээ анхаарах хэрэгтэй. Вакцин хийлгэхээс өмнө үзлэг хийх үед доорхи шинж тэмдэг танд хамаатай гэж бодож байвал эмчид заавал мэдэгдэнэ үү.

- Антикоагулянт эмчилгээ хийдэг, тромбоцитопени буюу цус бүлэгнэлтийн эмгэгтэй
- Өмнө нь дархлал хомсдол гэж оношлогдсон, эсвэл төрөл төрөгсөд нь удмын дархлал хомсдолын өвчтэй хүн байгаа бол
- Зүрх, бөөр, элэг, цус, хөгжлийн гажиг зэрэг суурь өвчтэй
- Өмнө нь вакцин хийлгэсний дараа 2 хоногийн дотор харшлын шинж тэмдэг, тухайлбал халуурах, тууралт гарах зэрэг шинж тэмдгүүд илэрч байсан бол
- Таталт өгдөг, өгч байсан бол
- Тус вакцины найрлагад харшилтай байж болзошгүй бол

**(Ар талд нь үргэлжлэлийг үзнэ үү)**

Хэрэв та жирэмсэн эсвэл жирэмсэн байж болзошгүй, эсвэл хөхүүл хүүхэдтэй бол вакцин хийлгэхээс өмнө эмчид заавал мэдэгдэнэ үү. Гэвч хариуцсан эх барих эмэгтэйчүүдийн эмчээр баталгаажуулаагүй ч, урьдчилан шалгах эмчээр вакцин хийлгэх боломжтой гэсэн дүгнэлт гаргуулсан тохиолдолд вакцин хийлгэж болно.

Энэ бүтээгдэхүүн нь урьд өмнө байгаагүй нэмэлт бодис агуулдаг. Хэрэв та өмнө эмэнд хэт мэдрэг эсвэл харшлын урвал үзүүлж байсан бол урьдчилсан үзлэгийн үеэр энэ талаар эмчид заавал мэдэгдэнэ үү.

#### **Вакцин хийлгэсний дараа анхаарах зүйлс**

- Вакцин хийлгэсний дараа доод тал нь 15 минут хүлээнэ үү (өмнө нь харшлын шинж тэмдэг, түүний дотор анафилаксийн шок гэх мэт хүнд хэлбэрийн өвчнөөр өвчилж байсан, эсвэл бие тавгүйрхэж, ухаан алдаж унаж байсан гэх мэт хүн дор хаяж 30 минут хүлээнэ үү). Хэрэв бие тавгүйрхвэл эмчид яаралтай хандах хэрэгтэй. (Энэ нь гэнэтийн хариу урвалд яаралтай арга хэмжээ авах боломжийг олгоно.)
- Тарилга хийх хэсэг цэвэр байх ёстой. Хэдийгээр та вакцин хийлгэсэн өдөр усанд орж болох ч тарилга хийсэн хэсгийг үрж угааж болохгүй. Мөн вакцин хийлгэсний дараа биеийн байдал муу үед хэтэрхий ачаалал авалгүйгээр усанд орохоос зайлсхийх гэх мэтээр биеийн байдлыг ажиглаарай.
- Өдөр тутмын үйл ажиллагаанд ямар нэгэн асуудалгүй боловч, тарилга хийх өдөр хүчтэй дасгал сургуулилалт хийх болон их хэмжээний архи согтууруулах ундааг хэрэглэхээс тагталзаарай.

#### **Гаж нөлөө**

- Ихэнхи гаж нөлөөнд тарилга хийсэн газар өвдөх, толгой өвдөх, үе мөч, булчин өвдөх, ядрах, даарах, халуурах зэрэг орно. Ховор бөгөөд ноцтой гаж нөлөөнд шок эсвэл анафилаксийн шок орно. Хэрэв вакцин хийлгэсний дараа ямар нэг шинж тэмдэг илэрвэл вакцинжуулагч эмч эсвэл хариуцсан эмчтэй холбоо бариарай.

#### **Вакцины эрүүл мэндэд үзүүлэх хор хөнөөлийг бууруулах системийн талаар**

Вакцинжуулалт нь эрүүл мэндийн асуудал (өвчин, хөгжлийн бэрхшээл) үүсгэх магадлалтай. Энэ нь нэн ховор боловч эрсдлийг арилгах боломжгүй юм. Тиймээс тусламжийн системийг бий болгосон.

Коронавирусын эсрэг вакцины улмаас эрүүл мэнд хохирсон тохиолдолд дархлаажуулалтын тухай хуулийн дагуу тусламжийг (эмчилгээний зардал, тахир дутуугийн тэтгэвэр гэх мэт) олгогдоно. Өргөдөл өгөх талаар оршин суугаа хотын захиргаанаасаа лавлана уу.

#### **Коронавирусын халдварын тухай**

SARS-CoV-2 халдварын үед шинж тэмдгүүд нь халуурах, ханиалгах зэрэг нийтлэг ханиадны шинж тэмдгүүдтэй төстэй байдаг. Ихэнх хүмүүс тус өвчний хөнгөн шинж тэмдгээр тусаж эдгэрдэг боловч хүнд тохиолдолд амьсгал давчдах зэрэг уушгины хатгалгааны шинж тэмдэг илэрч, нөхцөл байдал улам муудаж, улмаар үхэлд хүргэх аюултай.

#### **Коронавирусын вакцины тодорхойлолт (Takeda компанийн вакцин)**

Энэхүү вакцин нь рекомбинант уургийн вакцин бөгөөд SARS-CoV-2 холболтын үндсэн уургийн (вирус хүний эсэд нэвтрэх шаардлагатай уураг) генд үндэслэн хийгдсэн рекомбинант уургийг нано бөөмийн бэлдмэл бөгөөд дархлааны идэвхжилтийг дэмжих туслах бодис нэмсэн. Тус вакциныг тариулснаар рекомбинант уургийг хүний эсэд оруулахад холболтын уураг үүсэж, холбох уураг болон эсийн дархлааны хариу урвалын эсрэг биетүүдийг үүсгэдэг бөгөөд энэ нь SARS-CoV-2-ийн халдвараас урьдчилан сэргийлдэг гэж үздэг байна.

#### **Энэхүү эмийн хэрэгсэл нь дараах найрлагатай**

Идэвхтэй найрлага	◇ SARS-CoV-2 rS (SARS-CoV-2-ын рекомбинант холболтын уураг)
Нэмэлт	◇ Matrix-A <sup>Анхаар)</sup> ◇ Matrix-C <sup>Анхаар)</sup> ◇ Устөрөгчийн натрийн фосфатын дигидрат ◇ Хоёр суурьтай натрийн фосфатын дигидрат ◇ Натрийн хлорид ◇ Полисорбат 80 ◇ рН тохируулагч

Анхаар) Нэмэлт бодист холестерин, фосфатидилхолин, хоёр суурьтай натрийн фосфатын дигидрат, нэг суурьтай калийн фосфат, нэг суурьт калийн фосфат, калийн хлорид буюу натрийн хлорид багтана.

Коронавирусын эсрэг вакцины үр нөлөө, аюулгүй байдлын талаархи дэлгэрэнгүй мэдээллийг Эрүүл мэнд, хөдөлмөр, нийгмийн хамгааллын яамны вэбсайт дахь Шинэ төрлийн коронавирусын вакцин хуудаснаас үзнэ үү.

Эрүүл мэнд, хөдөлмөр, нийгмийн хамгааллын яам, коронавирусын эсрэг шинэ вакцин

Хайх



Хэрэв та вэбсайтаа үзэх боломжгүй бол хотын захиргаатай холбоо бариарай.